

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stamp@provincia.tn.it

COMUNICATO n. 1105 del 08/05/2021

Traduzione in ladino

L projet Coliving: sistem strategich per scombater l smendrament di nascimenc

Protagonist del secont avis Coliving, dò da chel vegn fora del 2020 a Lusern, l'é l Comun de Canal San Bovo, na vila trentina da olache ti ùltimes egn l'é dò a se n jir mingol a l'outa la jent. L pont prinzipèl de l'avis l'é chel che l'é stat metù a la leta da pèrt del Comun de Canal San Bovo e da ITEA spa 5 cartieres, per n trat de temp de 5 egn, con contrat de doura debant (la speises les é a cèria de chi che tol sù l cartier). L projet l'à na dopia valuta: "empienir" i cartieres publics che no i é fité o no i vegn duré, e tel medemo temp, fèr ruèr cobies joenes neves con fies per dèr speranza e davegnir a Canal San Bovo. Tor pèrt a l'avis Coliving per la families no vel dir vegnir demò a stèr tel Vanoi, ma ence doventèr na pèrt sozièla ativa e propositiva delaìte de la comunanza per engaissèr la crescimonia sozièla, economica e culturèla del teritorie. Al webinar tolarà pèrt ence l'assessor provinzièl Stefania Segnana.

La prejentazion ofizièla del secont avis Coliving la sarà tras meeting online en mèrtesc ai 11 de mé, da les sie a mesa les ot da sera.

Sarà na ocasion per meter dant i valores e la finalitàdes del projet, col contribut de la testimonianzes de vèlch una autorità del Comun de Canal San Bovo, Itea spa, Provinzia autonoma de Trent e, tinùltima de la Magnifica Comunità di Altopians zimbres e del Comun de Lusern, che i contarà del valor che pel dèr l Coliving sul teritorie.

PROGRAM

Debora Nicoletto Agenzia per la familia, Provinzia autonoma de Trent – moderadora

Saluc de la autoritèdes

Bortolo Rattin Ombolt Comun de Canal San Bovo

Stefania Segnana Assessora a la politiches familières, Provinzia autonoma de Trent

Salvatore Ghirardini President ITEA spa

Federico Samaden President Fondazion Demarchi

L projet Coliving - Proiezion video

Luciano Malfer Sorastant Generèl, Agenzia per la familia, Provinzia autonoma de Trent - L'esperienza "Coliving" del Comun de Lusern.

Nicoletta Carbonari Comissarie, Magnifica Comunità Altopians zimbres

Andrea Golo Funzionarie, Magnifica comunità Altopians zimbres.

Conclujions Roberto Pradel Comissarie Comunità de Primier

INFORMAZION

Per tor pèrt a l'event fèsc besegn scriver ite l modul de enschinuzion a la leta sul link:

<https://forms.gle/vmCN1B8CV9gKZ5kh6>

A chi che se enschinua ite ge vegnarà manà ite tras e-mail l link privat per tor pèrt a la scontrèda; vegnarà durà l'applicatif de videoconferenza Zoom.

BROCHURE chiò enjontèda

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)